

Platt partu:

Rundbreef 2022-10

**In so en Tied, vun Krisen präägt,
is't schön, wenn wi noch Priesen kreeg!**

Moinmoin, leve plattdütsche Maten un Frünnen, un en frohes Aarndankfest!

Ja, dat is verkehrtes Platt dor baven, "kriegt" müsst dat heten, man schiet op :-)
Wohraftig, uns Tied is vun Krisen präägt, un ganz gegen dat, wat mennig Lü denkt, is de [Dood vun'e Queen](#) nich de gröttste Kries, ok wenn dat [Gräffnis dat in sik harr](#). Uns true Behrend Böckmann kennt noch mehr Saken, de em suer opstötten doot: de [Gerontokratie in de USA](#) un dat dank den Foortschritt nu ok [teemlich dörsnittliche Fruuns](#) in hoge Posten kaamt (wat betherto bloots dat Vörrecht vun middelmäßige Mannslü weer). Un ok ik schriff gegenan gegen den [Irrsinn vun'e Welt](#). Un ok de Daag warrt dunkler un kötter... Dor bruukst [en seker Lüchtfüer](#), dat di den Weg wiest.

Avers liekers all düsse Krisen gifft dat ok so veel Schööns! Sünnlicher, wenn een wirklich Priesen kriggt, as ik düssen Maand för dat Hörspeel [De Reis na Fa](#), dat natüürlich op Plattpartu to lesen is. De September hett uns endlich wedder Regen bröcht; in'n Goorn [blöht al de Harvtiedlosen](#); to'n Afscheed vun'n Sommer bekennt Klaus-Dieter Tüxen nocheens [sien Heimatstadt sien Leevde](#), un mit den Septemberwind lett Meike Balzer-Fraun [eerste Draken opstiegen](#). Un uns Hamborg-Kennersch Katja Renfert nimmt uns mit op [en Spazeergang mit Herrn Hummel persönlich](#) -- se kennt de schönsten Ecken vun'e Stadt.

In'n Weltrum is en sünnlicher Manöver aflopen, de [afsichtliche Kollischoon mit en Asteroiden](#), de [ganz besünner Biller levert hett](#). Avers uns' Ludgerd Lüske verklaart ok Achtergrundweten över den [Artemis-Adreev](#) orr de Story vun de snaakschen [Astro-Matroschkas](#). För Thomas Seemann dorgegen [is allens in Buddel](#).

Ok sünst hebbt wi noch veel Schööns -- en [Danz för Kinner](#), en [Mallöör bi't Wassersporen](#), [ole Möhlen](#) un [niege Moden](#). Kiek Se sik man üm.

Un wenn wi uns wedderleest, is al Nevelmaand! Bliedt Se fein sund bet denn.

Nu de Linkliste. Op de Links bruukt Se bloots klicken, dat Se henkaamt.

Plattdütsch Kunst:

[Dei naakte Jüffelsch](#). Gedicht-Översetten vun Ludgerd Lüske (25.9.)

[De Reis na Fa](#). Prieskröntes Hörspeel vun Marlou Lessing (19.9.)

[Gaht Se doch mol op den Streek – mit Herrn Hummel](#). Kulturspazeergang mit Katja Renfert (11.9.)
[Notizen ut'n Hornung](#). Fotos un Verse vun Marlou Lessing (4.9.)
[Oostfreesland-Klenner: Septembermaand: De ole Möhl vun Stiekelkamperfehn](#). Vun Thomas Seemann un Marlou Lessing (3.9.)

De Welt un Gott:

[Spaghetti à la ...](#) Vun Silke Frakstein (25.9.)
[Draken opfieren](#). Vun Meike Balzer-Fraun (11.9.)
[Oostwind över 'n Eekenfjoord](#). Vun Klaus-Dieter Tüxen (11.9.)
[Hoochtiedsmoden](#). Vun Behrend Böckmann (11.9.)
[Seemannsgarn: Dat Geschenk vun Lee sien Onkel](#). Vun Günter Sohnemann (10.9.)

In't [lütte Gebedbauk](#):

[Lüchtfüer in dunkle Daag](#). Vun Henning Eggers (30.9.)

Natuur un Wetenschap:

[Dei DART-Satellit dröpp Dimorphos](#). Vun Ludgerd Lüske (27.9.)
["Astromumien" ünnerwägens](#). Vun Ludgerd Lüske (25.9.)
[Dei DART-Mission](#). Vun Ludgerd Lüske (17.9.)
[Dat Buddelbiotop](#). Vun Thomas Seemann (17.9.)
[Dat RS-25 Driewark bi dat Artemis-System](#). Vun Ludgerd Lüske (3.9.)

In't [aktuelle Natuurnotizbook](#):

[Migrant in Europa](#). Vun Marlou Lessing (30.9.)
[Rumms! Dart sleit in](#). Vun Marlou Lessing (27.9.)

Wat in de Welt vörgeiht:

[Frugens un Mütter måken Geschichte](#). Vun Behrend Böckmann (25.9.)
[Dei Queen is dod](#). Vun Behrend Böckmann (19.9.)
[Operatschon "Londen Bridesch"](#). Vun Behrend Böckmann (17.9.)
['n Oll-Lüd-Gäng](#). Vun Behrend Böckmann (4.9.)

In Marlou Lessings [plattdüütsch Notizbook](#):

[En Schann, de nich vergeiht](#) (27.9.)
[FFF is to witt?](#) (25.9.)
[En Schandaalbild?](#) (5.9.)

För Kinner:

[Modder Sünn ehr Kinner: Morgen un Avend](#). Märken vun Sophie Reinheimer,
överdragen vun Klaus-Dieter Tüxen (30.9.)

[Mien säute Diern. Kinnerdanz](#) vun Heidi Rumler (17.9.)

Hartlich grööt

Marlou Lessing un dat lütte Plattpartu-Team